



საგარეო საეკლესიო კავშირების განყოფილება

მოსკოვის საპატრიარქო

სსკგ-ს თავმჯდომარემ რუბცოვოს ყოვლადწმინდა ღვთისმშობლის საფარველის ტაძარში ლიტურგია აღასრულა



2021 წლის 17 ოქტომბერს, სულთმოფენობიდან მე-17 კვირიაკეს, მოსკოვის საპატრიარქოს საგარეო საეკლესიო კავშირების განყოფილების თავმჯდომარემ, ძველმესტილეთა სამრევლოების საქმეთა და ძველმესტილეებთან ურთიერთობის კომისიის თავმჯდომარემ, ვოლოკოლამსკის მიტროპოლიტმა ილარიონმა მოსკოვში რუბცოვოს ყოვლადწმინდა ღვთისმშობლის საფარველის ტაძარში, სადაც ძველირუსული საღვთისმსახურო ტრადიციის საპატრიარქო ცენტრი მოქმედებს, საღვთო ლიტურგია აღასრულა.

ღვთისმსახურების დროს, რომელიც ძველრუსული წეს-განგებით შესრულდა, მწყემსთმთავარს თანამსახურებდნენ რუბცოვოს ყოვლადწმინდა ღვთისმშობლის საფარველის ტაძრის წინამძღვარი, ძველმესტილეთა სამრევლოების საქმეთა და ძველმესტილეებთან ურთიერთობის კომისიის მდივანი დეკანოზი იოანე მიროლიუბოვი, ტაძრის კლირიკოსები.

ლიტურგიაზე მრჩობლ კვერექსზე გაჟღერდა კორონავირუსული ინფექციისგან დასახსნელი სავედრებელი ლოცვები.

მრჩობლი კვერექსის შემდეგ მიტროპოლიტმა ილარიონმა სნების განმფენი ქარის დროს საკითხავი ლოცვა აღავლინა.

საღმრთო ლიტურგიაზე ფილიპ კალინგტონის დიაკვნად ქიროტონია აღესრულა.

ღმრთისმსახურების დასრულების შემდეგ მწყემსთმთავარმა დამსწრეებს ქადაგების სიტყვით მიმართა:

„თქვენო მაღალღირსებავ, მამა წინამძღვარო, ძვირფასო ძმებო, ძვირფასო დებო!

ყველას გულითადად გილოცავთ ამ კვირა დღეს, როდესაც ჩვენ აქ საღმრთო ლიტურგია შევასრულეთ და ჩემი თანამოძმის, რუსეთის საზღვარგარეთის ეკლესიის პირველიერარქის, აღმოსავლეთ ამერიკისა და ნიუ-იორკის მიტროპოლიტის, ყოვლადუსამღვდელოესი ილარიონის თხოვნით და მოსკოვისა და სრულიად რუსეთის უნმიდესი პატრიარქის კირილეს ლოცვა-კურთხევით დიაკვნად ხელთდასხმა შევასრულე პენსილვანიის შტატის ქალაქ ერის ერთსარწმუნოების სამრევლოსთვის.

დღეს ჩვენ მოვისმინეთ სახარების საკითხავი ქანაანელი დედაკაცის შესახებ, რომელიც უფალ იესო ქრისტეს მიჰყვებოდა, წყალობას ითხოვდა, მაგრამ უფალს თითქოსდა არ ესმოდა მისი. და მხოლოდ მაშინ, როდესაც მოწაფეებმა მისი ყურადღება ამ დედაკაცზე მიაქციეს, ის შემობრუნდა და გამოელაპარაკა მას. დედაკაცმა მაცხოვარს თავისი ეშმაკეული ქალიშვილის განკურნება სთხოვა, მაგრამ იესო ქრისტემ თავდაპირველად ერთი სიტყვითაც არ უპასუხა მის თხოვნას. ხოლო როდესაც მოციქულებმა დაუწყეს თხოვნა ქანაანელი დედაკაცის შესახებ, უფალმა მათ მიუგო: **„არა ვიდრე მოვლინებულ ვარ, გარნა ცხოვართა მათ წარწყმედულთა სახლისა ისრაჴლისათა“** (მთ. 15:24), შემდეგ კი, როდესაც ქანაანელმა დედაკაცმა, მიუხედავად მოჩვენებითი უყურადღებობისა მის მიმართ იესო ქრისტეს მხრიდან თხოვნა მაინც არ შეწყვიტა, უფალი მიუბრუნდა და უთხრა: **„არა კეთილ არს მოღებად პური შვილთაგან და დაგებად ძაღლთა“** (მთ. 15:26). და მხოლოდ მას შემდეგ, რაც ქანაანელი დედაკაცი შეევედრა მას და უთხრა: **„ჰე, უფალო, რამეთუ ძაღლნიცა ჭამედ ნაბიჭვეისაგან, რომელ გარდამოცვინ ტაბლისაგან უფალთა მათთაჲსა“** (მთ. 15:27), ქრისტემ, დაინახა რა მისი დიდი სიმდაბლე და რწმენა, მის თხოვნას უპასუხა.

სახარების ამ მონაკვეთზე სხვადასხვა განმარტება არსებობს. ბევრი წმინდა მამა ამბობს, რომ უფალს თავიდანვე სურდა ქანაანელი დედაკაცის ასულის განკურნება, მაგრამ აყოვნებდა, რათა თავისი მოწაფეების წინაშე ამ ქალის თავმდაბლობა გამოეცვლენა.

მაგრამ შეიძლება ეს ეპიზოდი სხვაგვარადაც განიმარტოს. შემთხვევით ხომ არაა, რომ დედაკაცმა დაუყოვნებლივ არ მიიღო პასუხი მის თხოვნაზე. ნუთუ ჩვენ, როდესაც ვლოცულობთ, ყოველთვის და დაუყოვნებლივ ვიღებთ ღვთისგან იმას, რასაც ვითხოვთ? არც ყოველთვის და არც მაშინვე. ზოგჯერ გვინებს დიდხანს ვევედროთ უფალს, რათა მისი წყალობა აღსრულდეს. ზოგჯერ კი ჩვენ ღმერთს ერთს ვთხოვთ და რაღაც სხვას ვიღებთ. ან მივმართავთ მას ერთი ლოცვით და შემდეგ ჩვენ თვითონ გვესმის, რომ ეს არ არის ის ლოცვა, რომელიც ღმერთისკენ უნდა მივმართოთ, და ვცვლით ჩვენს თხოვნას.

ღმერთთან ურთიერთობა არასოდეს მოიაზრებს იმას, რომ ჩვენ რაღაცას ვითხოვთ და ის დაუყოვნებლივ მოგვეცემა. ზოგჯერ უფალი მაშინვე პასუხობს ჩვენს თხოვნას, ზოგჯერ კი აყოვნებს, რათა გამოავლინოს თავისი სულგრძელება, ჩვენ კი ლოცვა გვასწავლოს, – როგორც სახარებისეული მანყინებელი ქერივის იგავშია. ეს ქერივი დიდხანს დადიოდა უსამართლო მსაჯულთან, რომელსაც ღვთის არ ეშინოდა და ხალხის არ რცხენოდა, და მას არ სურდა მისი საქმით დაკავება, რადგან მას არაფერი გააჩნდა, რომ მისთვის გადაეხადა. მაგრამ რადგან ის არ ეშვებოდა და უაღრესად მანყინებელი (მომაბეზრებელი) გახდა, ბოლოს და ბოლოს მსაჯულმა იფიქრა: „**დაღათუ ღმრთისა არა მეშინის და კაცთაგან არა მრცხუნის, ამისთვის, რამეთუ შრომასა შემამთხუევს მე მარადის ქურივი ესე, უსაჯო მას, რაჟთა არა მარადის მოვიდოდის და მანყინებდეს მე**“ (ლკ. 18:4-5) და შეასრულა მისი თხოვნა.

„ისმინეთ, რასა-იგი მსაჯული სიცრუვისაჲ იტყვს? ხოლო ღმერთმან არა-მე ყოსა შურის-გებაჲ რჩეულთა მისთაჲ, რომელნი ღალატებენ მისა დღე და ღამე, და სულგრძელ არს მათ ზედა?“ (ლკ. 18:6-7) – გვეუბნება უფალი. ის უწყვეტი, გულითადი ლოცვისკენ მოგვინოვებს. და თუ ჩვენ გვსურს უფლისგან რამე მივიღოთ, ის მოგვინოვებს ამისთვის დღე და ღამე ვილოცოთ, არ ველოდოთ, რომ ჩვენი თხოვნითი ლოცვა დაუყოვნებლივ შესრულდება, და ჩვენი ვედრება იმავე ნუთს დაკმაყოფილდება.

როდესაც უფლის მიმართ ვლოცულობთ, ჩვენ ძალიან ხშირად ვითხოვთ ან მატერიალურ სიკეთეს, ან ჯანმრთელობას, ან წარმატებას, ან სხვა რამეს, რაც, როგორც გვეჩვენება, ცხოვრებაში ძალიან მნიშვნელოვანია. მაგრამ ხშირად გვაგინებდა, რომ ლოცვა – ეს, უპირველეს ყოვლისა, ღვთის წინაშე დგომაა, ღმერთთან საუბარია. უფალს არ სურს, რომ მასთან ჩვენი ურთიერთობა შემოიფარგლოს მხოლოდ იმით, რომ ჩვენ რაღაცას ვითხოვთ და ის რაღაცას გვაძლევს. უფალს სურს, რომ ჩვენ ვიცოდეთ მისი საბოძვრებისათვის მადლობა გადახდა, მაგრამ ყველაზე მნიშვნელოვანი, რასაც ის ჩვენგან მოელის – ეს ღია გულია. ის ელოდება, რომ ჩვენი გული ღია იყოს მასთან ურთიერთობისთვის, და რომ ლოცვა ჩვენში ინტერესს იწვევდეს არა მხოლოდ როგორც საშუალება, მივიღოთ ღმერთისგან ის, რისი მიღწევაც გვინდა ცხოვრებაში, არამედ რათა ლოცვამ უნდა მოგვიტანოს უპირველეს ყოვლისა სიხარული და ნუგეში, როგორც უზენაეს ღმერთთან ურთიერთობამ. ლოცვაში ეს ყველაზე მთავარია.

საღმრთო ლიტურგიაზე ჩვენ ვლოცულობთ, უპირველეს ყოვლისა, როგორც მაცხოვრის მოწაფეთა ერთიანი კრებული, გაერთიანებული მისდამი რწმენით, მისდამი სიყვარულით და ღვთის ტაძრისადმი სიყვარულით. საერთო კრებისითი ლოცვისას ჩვენ განსაკუთრებით ვგრძნობთ ჩვენ შორის ღმერთის მყოფობას. მაგრამ ყოველ ჯერზე, როდესაც ჩვენ განმარტოებაში ვლოცულობთ, ჩვენი სენაკის ან ოთახის კარის დახურვისას, ჩვენ ვლოცულობთ როგორც ქრისტეს ერთი სხეულის ნაწილები.

ჩვენი ერთობა განსაკუთრებული სახით ევქარისტიაში ვლინდება, როდესაც ჩვენი ერთობლივი ლოცვით სულიწმიდა გარდამოდის პურსა და ღვინოზე, გარდაქმნის მათ ქრისტეს ხორცად და სისხლად. როდესაც ჩვენი ერთობლივი ლოცვით სულიწმიდა გარდამოდის ჩვენზე და გარდაქმნის ჩვენს ადამიანურ ბუნებას, როდესაც ჩვენ ვეზიარებით ქრისტეს წმინდა საიდუმლოებს და ჩვენში ხორცშესხმული ღმერთის ხორცსა და სისხლს ვიღებთ. როგორც წმიდა ზიარების წინა ლოცვებშია ნათქვამი: „ხორცი ღვთისა განმამღმრთობს მე და მზრდის, განაღმრთობს სულსა და ჰზრდის გონებასა უცხოდ“, ანუ სასწაულებრივად, ღვთაებრივი სხეული თავად შემოდის ჩემი სხეულის ბუნებაში, თავად ღმერთკაცის სისხლი იწყებს ჩემს ძარღვებში დენას, და მე ღმერთის მსგავსი ვხდები არა ჩემი ადამიანური თვისებებით, არამედ ღვთაებრივი თვისებებით, რომელიც მე საკუთარ თავში მივიღე უფალ იესო ქრისტეს ხორციდან და წმინდა სისხლთან ზიარებით.

აი რატომ წრმოადგენს ევქარისტიის აღსრულება საეკლესიო ცხოვრების გულს. ამიტომაც მოვდივართ ევქარისტიაზე, რათა ყველამ ერთად ვადიდოთ უფალი, ვეზიაროთ ქრისტეს წმინდა საიდუმლოებს, და ამ ლოცვით, ლიტურგიაში მონაწილეობით, ქრისტეს ხორცისა და სისხლის ზიარებით ვიგრძნოთ ჩვენი ერთობა უფალთან და ერთმანეთთან.

ყველას გისურვებთ, ძვირფასო მამებო, ძვირფასო ძმებო და დებო, რომ უფალმა დაგლოცოთ თქვენი ცხოვრების გზაზე, რათა ყოველთვის დაიმარხოთ მართლმადიდებლური სარწმუნოება, გიყვარდეთ ღვთის ტაძარი და ქრისტეს წმინდა საიდუმლოთა ზიარებით შეერთდეთ მასთან, ლოცვის მეშვეობით კი თქვენი გული უფალთან შესახვედრად გაგელოთ.

მინდა გისურვოთ, თქვენ, პატივცემულო მამა წინამძღვარო, ღვთის შეწევნა იმ საპასუხისმგებლო მსახურებაში, რომელსაც თქვენ ატარებთ, წინამძღვრობით რა ამ წმინდა ტაძარს და ძველრუსული კულტურის ცენტრს, რომელიც ამ ტაძართან შეიქმნა მოსკოვისა და სრულიად რუსეთის უწმინდესი პატრიარქის კირილეს ლოცვა - კურთხევით.

მინდა გისურვოთ თქვენ, დიაკონო ფილიპე, რომ თქვენი მსახურება ყოფილიყოს ხანგრძლივი და მადლიანი, რათა ამაღლდეთ ძალითი-ძალად და თქვენი სადიაკვნო მსახურების საშუალებით ხალხი ქრისტეს სახარებასა და ქრისტეს ეკლესიას ეზიაროს.

ღმერთმა ყველანი დაგიფაროთ. გილოცავთ დღესასწაულს!“.

სსკგ-ს კომუნიკაციის სამსახური